
Priopćenje za medije

Sarajevo, 16.11. 2009.

Održana promocija prvog bh. izdanja društvene igre Monopoly

Ćiro Blažević, Halid Bešlić i Enes Bešlić nakon što su osvojili Sarajevo, Banja Luku i Mostar, u novom su pohodu na Elektroprivredu, Vodovod, Željeznicu

Danas je u Bečkoj kafani hotela Europe u Sarajevu, na veliku radost svih ljubitelja igre MONOPOLY, promovirano prvo bosanskohercegovačko izdanje ove - u svijetu najpopularnije i najprodavanije društvene igre, koju je za domaće tržište priredila tvrtka Magma. Od prošloga tjedna, bh. MONOPOLY može se potražiti u svim Turbo limač trgovinama .

Svoje umijeće u MONOPOLY-ju, koji spaja sve generacije i garantira odličnu zabavu, na današnjoj promociji pokazali su domaćoj javnosti omiljeni Miroslav Ćiro Blažević, Enis Bešlić, Halid Bešlić, Vedrana i Aleksandar Seksan te Armin Omerović.

Uz mnogo smijeha, šala i duhovitih opaski, ali i takmičarskog duha potrudili su se da zabave navijače koji su ih bodrili u pohodima na osvajanje sarajevskih, banjalučkih, mostarskih i tuzlanskih ulica, kao i Željeznice, Elektroprivrede i Vodovoda. Gradile su se kuće, ali i hoteli, Šanse se propuštale, plaćao se Porez, ali i Super Porez, a poneki je igrač završio i u Zatvoru.

Koliko su bili uspješni u svojim trgovačkim i graditeljskim sposobnostima, iako su se zaista trudili, ovoj sjajnoj ekipi je bilo manje važno od odlične atmosfere koju su napravili.

Nikolina Bošnjak direktorica Magma B povodom ovog događanja izjavila je: „Lokalizirano izdanje MONOPOLY društvene igre danas se prodaje u više od 80 različitih zemalja svijeta. Magma i Turbo limač izuzetno su ponosni što se ovom velikom MONOPOLY svijetu odnedavno pridružila i Bosna i Hercegovina. Društvena igra MONOPOLY je izvrstan povod za kvalitetno druženje uz zabavu i smijeh što su nam danas ovdje uspješno pokazali i naši poznati MONOPOLY igrači.“

Od kada se prvi put pojavila, pa sve do danas, društvenu igru MONOPOLY igralo je približno 600 miliona ljudi. Osim u domovima, igralo se i na vrhovima Alpa, pod vodom, u kućici na drvetu, u kadi... Najduža partija trajala je čak 70 dana, dok je najduža partija pod vodom trajala preko 1000 sati, uz učešće oko 350 ronilaca koji su se smjenjivali pod vodom kako kontinuitet igre ne bi bio prekinut. Najstrastvenijim igračima cilj je osvajanje nacionalnog ili svjetskog prvenstva, a ko zna, možda i mi uskoro dobijemo pored one fudbalske još jednu uspješnu, MONOPOLY reprezentaciju.

I mada živimo u vremenu ekspanzije kompjuterskih igara, MONOPOLY, omiljena igra svih generacija, sigurno će ostati nezamjenjiva zabava koja stvara trenutke za sjećanje - a sada i s razlogom više jer se igra na domaćem terenu.

Nikolina Bradić Belobrajdić
Voditeljica odnosa s javnošću
MAGMA d.d.